

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

80. Qualiter probetur jusp. privatorum per authenticum documentum.

[urn:nbn:de:hbz:466:1-74485](#)

plicito titulo fundationis, vel dotationis, vel de alio privilegii seu mixto, nulla cadit quæstio circa probationem, uti & tunc quò ad potentes nihil innovatum est. Card. de Luca *in sum. jurisp. n. 50.* De cetero autem concilium respectu potentium jurisdispositionem alterasse, novamque formam rigorosam induisse in eo eorum iure patronatus, quod ex sola diurna possessione seu præscriptione acquisitum prætenditur, ob malam usurpationis præsumptionem. C. de Luca, *ibid. n. 57.* Porro an, dum personæ potentes se non astringunt ad titulum resultantem a sola diurna possessione, sed allegant, & probare volunt titulum explicitum fundationis vel dotationis, sufficiat probatio hujus tituli per testes, vel alias probationis species, diversæ sunt opiniones, ut Card. de Luca *loc. cit. n. 69.* quarum utramque ait recipiendam respectivè pro qualitate facti, prout nimurum militat, vel excluditur illa suspicio, ob quam in potentibus hæc rigorosa forma inducta, idque pro judicis vel superioris prudenti arbitrio; unde jam in specie sit

Quæstio 80. Qualiter probetur jus patronatus privatorum per authenticum documentum, & alia à jure requisita; seu quid veniat hic nomine authenticí documenti?

1. Respondeo: tametsi documentum nomen sit genericum, comprehendens tam scripturas authenticas & publicas trium vel duorum testium subscriptione vel præsentia confessas per manum publicam, quæ veniant nomine instrumenti, quæm probationes quavis alias, quibus de veritate doceatur. v.g. quæ fiunt per testes, etiam deponentes de tenore & amissione scripturarum: in præsenti tamen rō documentum arctari ad scripturam, & usurpatum à Tridentino pro instrumento, ne alias reliqua verba sequentia in dicto concilii decreto sint superflua, ut quid enim (si comprehendenterentur alia probatio[n]es) subiungere necesse erat: sive etiam ex multiplicatis præsentationibus, alijsq; secundum juris dispositionem. Castrop, *cit. d. 2. p. 3. n. 3.* citans Leon. *in thesor. Eccl. t. 21. n. 2.* Barb. *depot. Ep. p. 3. alleg. 72. n. 22.* Gonz. *gl. 18 n. 32.* In præsenti autem scriptura authentica erit Bulla Episcopi, seu consensus illius, in scripto concessus ad fundandam vel dotandam ecclesiam. Castrop, *ibid. n. 2.* citans Barb. *ubi ante n. 24.* Ricc. *in pr. for. eccl. resol. 12. 5.* Quòd si non originalis ipsa Bulla, sed solum illius exemplar & transcriptum ostendatur, ut fidem faciat, debet habere à jure requisita in ejus confessione, extractione, compulsione, *juxta cap. cump. Tabellio. de fide instrum.* (de quibus optimè Covarr. *præf. qq. c. 21.* & Menoch. *de arb. casu 87.*) nimurum ut sit extractum auctoritate judicis, & cum citatione illorum, quorum interest, & insuper originale, nisi antiquissimum sit, recognoscendum, si de ejus fide dubitetur. Castrop, *ibidem.* citans Gonz. *ubi ante n. 40.*

2. Porro dum dicta explica & vera probatio haberi nequit, recursum ad præsumptivam seu administrativam. Inter quas prima est immemorialis vel centenaria (quæ immemoriali in hoc aquipollit) bene probata, absque eo, quòd constet de initio, infecto, incomparibili; planum est enim eam sufficientem esse, etiam fundationis & dotationis; cùm vi illius optimus & validior titulus allegari valeat. Nisi tamen hac præsumptio à contraria probatione, vel fortiori præsumptione elidatur; quia nempe qualitas personæ dictam præsumptam pro-

babilitatem excludit, v.g. quòd jus præsentandi Re: storem hospitalis esse consuevit penes pauperes ibi existentes; cùm præsumi nequeat, eos fundasse hospitale aut dotasse. Card. Luca *in sum. jurisp. 51.*

Quæstio 81. Qualiter jus patronatus privatorum ex fundatione vel dotatione probetur ex præsentationibus multiplicatis per antiquissimum temporis cursum; ubi maximè petitur, quot præsentationes requirantur, & qualiter earum immemoriale probetur?

1. Respondeo ad primū: ad hoc requiri ad minùs præsentationes tres; èd quòd dictio multiplex in sua proprio significacione non videatur pauciore numero contenta; cùm multiplicari non dicatur illud, quod semel tantum repetitum est. Et esto, præsentatio bis facta sufficiat, ut dici possit præsentationem multiplicatam esse, non tamen adhuc dici posset multiplicata cum ea quantitate, quam requirit concilium; nimurum ut multiplicata sit per antiquissimum temporis cursum, qui hominum memoriam excedat (quale ad minimū est tempus centenarium, ut Menoch. *de arb. casu. 3.* Farinacius *p. 1. prax. crimin. q. 47. n. 112.* Barb. *de pot. Ep. p. 3. alleg. 72. n. 35.* &c. apud Castrop. *l.c. num. 4.* nam qui sexagenarium voluit sufficere, intelligendi sunt de depositione testium) intra quod vix contingere potest, quòd præsentatio semel tantum repetita memoriam hominum excedat: ita tenet Castrop. *loc. cit. contra Barb. loc. cit. n. 31.* Riccium *in pr. resol. 127.* &c. sentientes sufficere præsentationes duas, èd quòd pluralis locutio de reg. juris in 6. & dictio multiplex in duobus verificari possit, præsertim in materia odiosa, & juris communis restrictiva, qualis hæc est.

2. Respondeo ad secundum: licet per scripturas directe non probetur harum præsentationum immemoriale (cùm scriptura non probet memoriam non esse in contrarium) probari tamen indirecte, si probetur per 100. & plures annos fuisse præsentationes continuatas; cùm sic tacitè innatur, nihil esse contrarium. Castrop. *n. 5.* *juxta Rotam.*

3. Probatur etiam per testes, si sint ad minimum quadragenaria & deponant, se toto illo tempore vidisse præsentationes continuatas esse, & insuper addant, se ita audivisse antecedenter factitatum. Castrop. *ibid. citans Mol. l. 2. de primogen. c. 6. n. 40.* Necesse tamen est, ut deponant, præsentationes continuatas esse per dictum tempus immemoriale usque ad tempus morte litis. Castrop. *citans Barb. cit. alleg. 72. n. 38.* Item necesse est, ut non constet de infecto initio, & nullitate tituli; quia tunc, cùm jam constet de veritate, cessat præsumptio ex immemoriali resultans. Mol. *loc. cir. n. 60.* Gonz. *gl. 18. n. 49.* Covarr. apud Castrop. necesse tamen non est in depositione testium vel scripturæ, fieri mentionem fundationis vel dotationis, sed sufficit deponere de multiplicitate præsentationis. Gonz. *loc. cit. num. 46.* apud Castrop.

Quæstio 82. Qualiter præterea probari possit jus patronatus privatorum ex fundatione vel dotatione.

1. Respondeo: omnibus illis modis, quibus alias à jure tituli probatio conceditur; id enim innuitur per illa Trid. verba: *aut si secundum juris dispositionem.* Castrop. *n. 6.* citans Gonz. *num. 51. c. 5. s. 8.* Barb. *loc. cit. n. 42.* Sic itaque probari potest primò

per